



- EDITORIAL • RÂL VÊNGTU • CHHÛNGKAW CHANCHIN
- » Lay Leaders Training Vawi 189-na khâr a ni
- » Kohhran hming ziah dân chungchâng
- » Kohhran Hmeichhe Rorêl Inkhâwm Vawi 8-na a ãiak ta

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXX

No. 391

E-mail: synodnews@gmail.com

APRIL, 2016

LÂWRKHÂWM

KOHRAN HMING THLÂK

Bairabi North Kohhran tih ðin chu SEC thu angin Bairabi Kohhran ti-a thlák a ni ta.

CAMPUS MINISTRY

March 22, 2016 khân Govt. Zirtiri Residential Science College -ah 'Drinking of Liquor: A medical, Economical and Philosophical Analysis' tih thupui hmingin Seminar buatsaih a ni a, Resource person atân Dr. Laldinliana Vârte, Asst. Professor MZU leh Dr. C. Lalhrekima, Psychiatrist, Civil Hospital te hman an ni. Seminar-ah hian Rev. Lalchungnunga, Director, Campus Ministry-in inlawmna hun hmingin an rawngbâwl dân tlângpui a sawi a, resource person ten hun an hming zui a ni.

March 29, 2016 khân Mizoram University-ah 'Illuminating the Mind' tih thupui hmingin 'Christianity Among other World views' tih zir hona hun an hming baw.

CKTP OB CHARGE INHLÂN

March 22, 2016 khân Central Kristian Thalai Pâwl Office Bearer-te chuan OB thlan tharte hnênah mawhphurhna an hlân.

CKTP charge inhlannaah hian Leader kal chhuak Rev. J. Lalremsiama leh Leader thar Rev. Zothansânga ten thu tawi an sawi ve ve a, charge inhlân zawhah hruaitu kalchhuak leh a thar ten chawhlui an kil hova. Zân lamah hruaitu tharten Committee meeting vawi 687-na an ðu zui ngâh a ni.

INKHAWMPUIAH PALAI

March 17 - 21, 2016 chhûng khân Ribhoi Synod Inkhâwmpui Palaiin Upa H. Ronghâka, Synod Secretary (Sr) leh Rev. Râlthansânga Râlte te an kal.

ARUNACHAL & ASSAM MISSION FIELD 'NORTH' LEH ODISHA MISSION FIELD HAWN A NI TA

- Arunachal and Assam Mission Field 'North' chhûngah hian Bial panga a awm.
- Odisha Mission Field hawnnaah Kristian MLA pahnhin an telpui.

2015 Synod Inkhâwmpuiin a remtih angin Arunachal and Assam Mission Field 'North' leh Odisha Mission Field te chu hawn a ni ta a, hun hman dân tlângpui hetiang hi a ni:

1. Arunachal & Assam Mission Field 'North': Rev. B. Sângthanga, Executive Secretary i/c Mission chuan ni 11 March, 2016 (Zirtâwpni) khân Arunachal and Assam Mission Field 'North' hi a hawng a. Rev. R. Lalrinsânga, Field Secretary, AAMF 'W'-in Field thar hawnna programme hi a kaihrui a. Rev. Lalhmuchhuaka, Field Secretary, AAMF 'N'-in report a pe a, Dr. Robert S. Halliday, Coordinator, Synod Mission Board-in lâwm thu a sawi baw.

He Field thar hawnna programme-ah hian zaipâwl pahnhin - Missionary zaipawl leh Aalo Bial zaipâwl ten thiam takin Pathian fakna hla an rem a, Aalo Kohhran Hmeichhiaten hnam lâm an entîr baw. Sial talhin tlaiah Field thar lawmna ruai kil ho a ni.

Arunachal and Assam Mission Field 'North' chhûngah hian Pastor Bial panga (5) - Aalo, Boleng, Daparijo, Pasighat leh Tato te a awm a ni.

2. Odisha Mission Field: Rev. H. Lalrinmawia, Moderator-in ni 19 March, 2016 (Inrinni) khân Odisha Mission Field thar hi a hawng.

Rev. TC Laltlanzova, BEC Member-in Field thar hawnna inkhâwm a kaihrui a. Rev. Lalramdinthara Colney Field Secretary, Odisha Mission Field-in mikhual lâwmna leh report hun a hming a, Dr. Robert S. Halliday-an lâwm thu sawina hun a hming.

He hunah hian Chief Guest atân Pu Jacob Pradhan, MLA, G. Udaigiri Constituency, Kandhamal District leh

Special Guest atân Nl. Basanti Mallick, MLA, Mohana Constituency, Gajapati District te sâwm an ni a; anni pahnhin hi Odisha Legislative Assembly-a Kristian awm chhun an ni.

Pu Jacoba hian, "...in zînga tel tûra min sâwm hi ka lâwm a. Odisha-a Mizoram Synod in lo lût hi Pathian chungah ka lâwm êm êm a, beiseina sâng tak ka nei che u a ni. Odisha hi Hindu Temple-in a khat a ni ringawt a, hêng zawng zawngte hi hneh lêt tûr chuan Thlarau Thianghlim ðanpuina in mamawh dâwn a. Nangnin in tih tûr rinawm leh taima taka in tih chuan Pathian chuan ama tih tûr chu a ti ve ngei ang. In rawngbâwlina tûrah hian harsatna tam tak hmachhawn tûr in la nei ngei ang a, nimahsela, zâm suh ula, hlau hek suh ang che u...hna ropui bul in ðan tawh a, kan State hi 'za-ah za' ringtu kan nih hma loh chuan in hna hi tâwpsan suh ang che u, ka ngên che u a ni...Isua chu chatuan atân a nung si a. ...eng pawh harsatna in neih chuan lo kal ula hma kan la ho zêl dâwn nia..." tiin thu a sawi a.

Nl. Basanti pawhin, "...kei pawh hmânah missionary atân ka inpe a; mahse, min la lo va. Ka rilru a na êm êm mai a; mahse, tûn hnuah chuan zau zâwk leh ringtu tam zâwk tâna rawngbâwlta ka nih theih nân leh an ai ka aw theih nân Pathianin MLA-ah min awmtîr ta nîin ka pawm ta a. Mizoram Synod in lo kal leh rawngbâwl hna in rawn thawk tûr hi ka lâwm êm êm a, ka bial chhûngah ngei in thawk tûrte hi ka lâwm lehzuat a. Mohana bial hmingin ka lo lâwm che u a ni. Ka bial chhûng hi ringtu tamna a ni a, kan

Phek 2-na ðinglamah chhunzawm...

SYNOD Newsletter

EDITORIAL STAFF

Rev. Dr. C. Chawngmingliana
 Rev. PC Pachhûnga
 Upa H. Ronghâka
 Rev. R. Laldinthara

Editorial **KAN SYNOD BUDGET LEH THAWHLÂWM**

Kan Synod Pawisa kum a lo ral dâwn meuh chuan kan thla a phâng hman lek lek thîn a. Pawisa kum ral dâwna vawi khat thlaphân deuh hi chu kan kum tin dân a ni a. Pawisa kum a lo ral meuh chuan rin ai tak chuan thawhlâwm dinhmun hi a lo tha leh phian thîn hi Pathian malsâwmna liau liau a ni. Tûna kan pawisa kum kal ta April 2015-March 2016 chhûnga kan hmuh zawng zawng chu vaibêlchhe 164 zet a ni a. Nikum kan khûmna hi vaibêlchhe 12 chuang zet a ni bawk. Vaibêlchhe 12 chuang zeta nikum kan khûm thei hi Pathian malsâwmna liau liau a ni. Pawisa kum kal taa chêng vaibêlchhe 164 zet kan han thawh khâwm thei te kha a lâwmawm takzet a. Chu chuan kan Kohhran hi Lalpan min la hruai zêl a, Kohhranhote pawh kan la tângruai tha hlein, Pathian leh a Kohhranah kan la rinawm hle a ni tih a târ lang âwm e. Kohhran chhûngkaw tin hnênah lâwm thu kan sawi tak meuh a ni. Chutih rual chuan Pathian malsâwmna kan dawn ang zêla Pathian hnêna pe zêl tûrin Kohhranhote kan ngên bawk a ni.

Hetianga thawhlâwm lama hma kan sâwn zêl lai hian hmasâwmna tûr pawh kan la nei zêl bawk a ni. Nikum chêng vaibêlchhe 12 chuang zeta kan khûm lai hian kan budget erawh chêng nuai za têlin kan phâk lo thung. Hetianga kan budget kan phâk lohna hi chhan hrang hrang a awm thei a. Kum hmasa budget kan phâk lohna chhan pakhatat chuan budget kan siam sâng lutuk pawh a ni thei ang. Kan hmuh theih tûr âwm tâwk deuh budget kan siam pawh a tûl ang. Tin, a tûra kan budget siam bâka Additional Budget tam lutuk te pawh hi kan budget kan phâk lohna chhan pawh a ni ve thei tho bawk. Additional Budget tel lovin, Original Budget aţanga chhût chuan kan budget hi nuai 630 chuangin kan khûm a ni. Tin, thawktu lo pung chho tial tial leh hlawh lo pung zêlin a nghawng pawh a ni ve thei bawk ang. Kan sum dinhmun en hian ram lei leh building sak lamah pawh hian kan ip deuh pawh a ngaih hmêl. Eng pawh chu ni se la, kan budget kan phâk lo tih avâng hian kan sum dinhmun a chhe ta êm êm e tihna chu a ni lo, thahnem tâwk takin kum hmasa thawhlâwm kan la khûm zêl avângin. Hma lam pana kan kal zêlna tûrah tûn aia fimkhur zâwka ke kan pên thiam erawh chu a ngai ta niin a lang.

Phêk 1-na chhunzawmna...

ţan ho zêl chuan nasa zâwkin rawng kan bawl ho thei dâwn a, thawh ho dân tûr leh thil dang dang avângte pawhin kan la inhmuh fo pawh a la tûl dâwn a ni...Kum 2008 tihduhdahnaah pawh khân ka bial chhûng ringtute chu kan inpumkhat ţat avângin kan tawrh nêp phah a. Politics-ah tawnhriat tam tak ka nei a, harsatna in neih pawhin ka hnênah lo kal ula, hma kan la ho zêl dâwn nia. Ringtu tam tak kan awm ve a; inpumkhatna ţa tak nei kan thawh ho leh kan awm ho zêl hian ringlote tân pawh kan zahawm dâwn a, Pathian ram pawh a lo zau dâwn a ni. In zîngah hian tualchhûng mite teltîr ve ula; tichuan, miten in chanchin an sawi, an dodâlha che u leh harsatna lo awm thei tûr in hre thuai thuai thei dâwn a ni. Odisha State tâna Pathian mi tirthe in ni ang tih ka ring tlat a ni," tiin a sawi bawk.

He inkhâwmah hian, Odisha Mizo Association (OMA); North East Christian Fellowship (NECF); Bhubaneswar

Pastors' Fellowship; Love India Mission; Restoration India Mission; Friends of Odisha; LIKKB; ICI; UPC (NE) te sâwm an ni a. Tûna kan kohhran lo ni ta Kui kohhran lo dintu Rev. Ananda Rao, Vishakapatnam pawh an nupain an lo tel bawk a. OMA, NECF leh Restoration Home, Cuttack ten special number an nei a, programme an tiropui hle. Pu Hriata Chhange, OMA President leh Dr. L.R. Colney, Odisha-a Pioneer Missionary ten thu an sawi bawk.

Odisha Mission Field-ah hian Field Secretary 1; O/A 1; Pastor 1; Doctor 1; Nurse 3; Craft Teacher 1 leh Evangelist 8 an bung mêk a. Tûnah rih hi chuan Gajapati district, 100 Km bial chhûng vêlah chauh rawngbâwl a la ni a. Gajapati District hmun dang rawngbâwlna tûr thlithlai a nih bâkah, a deuptu Rayagada District leh Ganjam District lamah te pawh rawngbâwlna tûr hmun dap mêk a ni bawk.

LAY LEADERS TRAINING VAWI 189-NA KHÂR A NI

Synod Multipurpose Training Centre (SMTC) buatsaih Lay Leaders Training vawi 189-na chu March 21-23, 2016 chhûng khân Synod Conference Centre-ah hman a ni a, Presbytery pariat aţangin Kohhran Upa 38 an tel.

Training hawna inkhâwm hi Rev. Vânsâwma, Programme Director, SMTC-in a kaihruai a, Tv. R. Lalvênhima'n Pathian fakna hla sain, Rev. P.C. Pachhûnga, Executive Secretary i/c SMTC-in training hawngin thuchah a sawi bawk.

Tûn tûm Lay Leaders Training-ah hian thil pawimawh chi hrang hrang zir a ni a, Rev. Lalhlûma Sailo-in Bible zir dân te, Thuthlung Thar zirna te, Kohhran sum enkawl chungchâng te leh Kohhran chhâwmna te a zirtîr a. Rev. C. Lianhmingthangan Kristian Thurin te, Kohhran inrelbâwlna te, Thuthlung Hlui zirna te leh Kohhran hrang hrang chanchin te a zirtîr a, Rev. Vânsâwman Pathian Biak leh thuhiril chungchâng a zirtîr a, Upa Vânlalhuman Sum vawn dân a zirtîr bawk

a, training-a tel ten hlâwkpuai an inti hle.

Training kharna inkhâwm hi March 23, 2016 khân hman a nia, Rev. Vânsâwma, Programme Director, SMTC-in a kaihruai a, Ni. Baby Malsâwmtluangin Pathian fakna hla a sa a. Rev. H. Lalrinmawia, Synod Moderator-in thuchah sawiin training chhuangte hnênah Certificate a hlân a, Rev. Lalhlûma Sailo-in lâwm thu sawina hun hmangin inkhâwm hi Rev. C. Lianhmingthangan malsâwmnain a tûn a ni.

Kohhran Upaten Kohhran enkawlna leh inrelbâwlna lama thil tûl chi hrang hrang an zir theihna tûrin SMTC hian Lay Leaders Training hi kum 1996 aţang khân a lo kalpuai tawh a, Kohhran Upa 5,965 lai an training tawh nghe nghe a ni.

PCI GEN. ASSEMBLY SUB-COMMITTEE HRANG HRANG THU

PCI Gen. Assembly a lo hnai leh ta a. Chuvâng chuan Sub Committee hrang hrang te PCI Headquarters, Shillong-ah an ţu a. Mizoram Synod aţangin hêng mite hi an kal

1. PCI Trust Committee: Ni 31.3.2016 (Ningani) khân Committee an ţu a. He Committee-ah hian Rev. Lalramliana Pachuau, Senior Executive Secretary, Mizoram Synod a tel.

2. PCI Christian Communication Committee: Ni 31.3.2016 khân an ţu a. He Committee-ah hian Rev. Dr. C. Chawngmingliana, Secy & Editor, SL&PB, Rev. Dr. Lâwmsânga, ATC, Pu Lalhruaitluanga Râltê, Manager, Synod Press te an tel.

Râl Vêngtu

Nuho mangang chuan Râl Vêngtu chu an lo din hual tãih a. “Râl Vêngtu, túnlai hian Mobile Phone tha tak tak hi a lo chhuak a, kan fateho hian lei an ngen a, kan han leisak a, an atchihl leh lawi si a. Lehkha zir nachang pawh an hre lo. An mobile hi an sik reng ringawt mai. Lal Isua pawh khân theipui kung mai mai atang pawh khân zir túr tha tak a la chhuak thei a. Nang pawhin Mobile Phone atang hian zir túr tha deuh deuh min kawhhmuh túr i hre zen lo maw?” an ti a. Râl Vêngtu chuan, “Hre dawn lo'm ni. Chu mi hma chuan kan hau hmasa teh ang che u. In faten an ngen avângin an ngen ang ang engati nge in leisak a? In fate tha túra in duh chuan an ngen ang ang leisak lovin an mamawh, an tâna tha túr leh an tãngkaipui túr chauh leisak tawh rawh u. Mobile phone nei rual an ni em tih te pawh ngaihtuah hmasa rawh u. Tichuan, Mobile atanga in zir túr chu maw-

1. Mobile Phone changkang leh man to tak neiha, a tha zãwnga hman tãngkai si loh chu chhiatna thlentui mai a ni ang bawh hian, khawvêla in rohlu ber in fate kha in hman tãngkai thiam loh chuan Setanan a lo hman tãngkai hlauh ang a, in chhiatpui nasa mai ang.
2. In tu leh in fate kha mobile phone khawih an ze ang bawka in chhâng chêt vêt ze túrin zirtír rawh u.
3. Mobile Phone tha tak nei sia signal man theihna hmuna awm si loh chu ringtu tha taka inggai, thlarau lam signal nei si lo ang hi an ni, an tân Pathian a biak tlang theih loh.
4. Mobile Phone changkang tak nei, signal pawh hmu tha; mahse, top up thun si loh chu ringtu tha tak anga lang, hman chãkawm tak, hman dawnna hman theih hauh si loh ang hi an ni a, hman tumtu tân lu tihai mai an ni,” a ti a.

SYNOD HOSPITAL

March 14, 16 leh 17, 2016 khân Synod Hospital, Durtlâng chuan thawktu pual retreat an nei a, speaker atân Rev. Lalrinmawia, Electric Vêng Bialtu Pastor hman a ni a, thupui atân “Thlarau thara rawngbãwl” tih hman a ni.

SYNOD HOSPITAL, DURLTÂNG FEBRUARY, 2016 CHHÛNGA THILPÊK DAWNTE

I. CHARITY FUND

1. Pu Lalramzauva, Zemabãwk H/S Vêng	₹ 1,000
2. Damdawi Vêng Koh. Hmeichhia, N. Vanlaiphai	₹ 3,060
3. KTP, Lallen Bial	₹ 5,000
4. Laldanglova, Durtlâng Mël - 5	₹ 1,000
5. Pu Zodingliana te nupa, Zãrkawt	₹ 3,500
6. Electric Vêng Kohhran, Kolasib	₹ 10,000
7. Pu Rosawmliana Vãrté, Leitan	₹ 1,000
8. Pu Lalsanglura, Durtlâng Mël - 5	₹ 1,000
9. Lungdai Kohhran, Lungdai	₹ 1,000
10. Durtlâng Mistiri Association	₹ 2,000
11. Phuaibuang Kohhran Hmeichhia	₹ 5,000
12. Central Kohhran Hmeichhia Inkhawmpui Lian	₹ 6,02,671
13. Central KTP	₹ 35,095
14. Zohmun Bial Kohhran Hmeichhia	₹ 2,000
15. KTP, Khawruhlian Bial	₹ 2,000
16. Unknown	₹ 1,800

II. GRACE HOME TÂNNA THILPÊK PETUTE

1. Central KTP, Synod Office	₹ 6,000
Nov. & Dec., 2015 Cook hlauh	

III. THISEN PE TE

1. KTP Model Vêng Branch, Aizãwl	39 Units
2. NIELIT, Aizãwl Centre	73 Units

3. KTP Khatla 'N' Branch	35 Units
4. KTP Leitan Ramthar Branch	14 Units
5. KTP Muanna Vêng Branch, Aizãwl	8 Units
6. Govt. College, Saitual	44 Units
7. J.C. Security & Labour Supply Agency	13 Units
8. KTP, Mission Vêngthlang Branch	40 Units

IV. THIL DANG PE TE

1. Pu C. Roenga, Leitan Ramthar	Spin Mob 2 nos
2. Sister Zotawni, Durtlang Leitan	Ruang tuamma puan 4
3. Central Kohhran Hmeichhia Inkhawmpui Lian	Thisen petute mutna tur khum lei nan ₹ 3,84,275
4. Pu H. Darzika, Leitan South, Durtlang	Pi Pui Ina hman tur thuthlengsei 10

Khawngaihna leh duhsaknaa thilpêk min petute zang zang hnénah Lalpa Isua Krista hmigin lãwmthu kan sawi tak meuh meuh a ni. Hêng in thilpêk a dawnte hian damlo awm man harsate thlamuang takin a awmtír a, Hospital mamawh tam tak min phurhúksak bawka a ni.

Sd/- REV. R. RAMDINMAWIA
Chaplain, Synod Hospital, Durtlâng

KOHRANHO HNÉNA NGENNA LEH HRIATTÍRNA

1. MISSIONARY-TE CHANVO SIAMSAK CHUNGCHÂNG

May 26-29, 2016 chhûng hian ITI Vêng Kohhran Biak Inah Home Mission North, Home Mission South leh Cachar Tlângrama thawkte pualin Missionary Retreat neih túr a ni a. He Retreat-ah hian Masihi Sangati Kendra hnuai thawktaw, Mizo tãwng thiamte pawh tel túr beisei an ni.

Home Mission North leh Cachar Tlângrama atanga Missionary, he Retreat hman túr lo kalte chu Retreat hma Pathiani (ni 22 May, 2016)-ah an chhuahna Kohhran theuh tlawh túr beisei an ni a. Home Mission thawktute erawh chuan Retreat zawh Pathiani (ni 5 June, 2016)-ah an chhuahna Kohhrante an tlawh thung ang.

Hêng hunah hian an chhuahna Kohhrante chanvo (Thuhiril emaw Report pêk emaw) lo siamsak theuh túrin Kohhran tinte kan ngén e.

Masihi Sangati hnuai thawktaw erawh chu hetiang chanvo (Thuhiril emaw report pêk emaw) siamsak hian a huam lo vang.

Hemi bâk hi chu a hrana inhriattírna lehkha siam a ni lo vang.

2. MISSIONARY-TE CHHUAHNA KOHRAN THICHIAN CHUNGCHÂNG

Synod Mission Board Meeting chuan Synod Mission Board hnuai thawktaw Missionary, nupui pasal neih avâng leh chhûngkua pêm avâng an kal chhuahna Kohhrana awm ta lote hi khawi Kohhrana chhuaka chhiar túr nge tih ngun takin a ngaihtuah a. A hnuai târ lan hi Committee rêl dân a ni a, zãwm theuh túrin Kohhranhote kan ngénin kan hriattír a che u (RTB 153:26 of 22 & 23.10.2016) -

1. Hmeichhia pasal nei chu a pasalte lãwina Kohhranah chhiar túr a ni.
2. Pêm reng reng chu an pêmna Kohhranah chhiar zêl túr a ni.
3. Rawngbawla an chhuah hnuai Kohhran indang chu an lawina Kohhranah chhiar túr a ni.
4. Kohhran inchhiarnaah pawh an awm mênna Kohhranah chhiar ngei túr a ni.

Sd/- Rev. K. LALRINMAWIA
Secretary
Synod Mission Board
Synod Office, Aizãwl

TRIPURA SYNOD SIAM CHUNGCHÂNG

PCI-in Tripura Synod siam chungchâng Commissioner a siam member 3 - Rev. David L Lhouvum, Sr. A/S te; Rev. Laldawngliana te leh Rev. S.S Majaw te chu Mizoram lo kalin March 29, 2016 khân Mizoram Synod OM-te nênn Tripura Synod siam dân túr chungchâng sawi hovin an thu khãwm a, heta an thu sawi ho hi kumin 2016 PCI General Assembly lo awm túrah ngaihtuah a ni ang.

SÂWMNA

- Ni 16 April, 2016 hian Tualpui Kohhran chuan Biak In thar a hawng dâwn a. He hun hmanpui tûr hian Bialtu Pastor lo ni tawh zawng zawng leh he Kohhrana lo lawi tawh zawng zawngte an sâwm a ni. Tualpui Kohhran Biak In thar hi Rev. H. Lalrinmawia, Synod Moderator-in a hawng dâwn a ni.

PATHIAN THU ZIR DUH TÂN

Presbyterian Bible School, Mission Vêng, Aizâwlah C.Th (Certificate in Theology) zir tûr lâk a ni dâwn a. Admission Form Office-ah ₹ 10-a lei tûr a ni a. Dîl tûr chuan hêng hi hriat tûr a ni e:

Dîl theih
hun chhûng : April 29, 2016
 : Tlâi dâr 3:00 thleng

Dîl thei chin : Class VII passed, kum 16
 : aia naupang lo, Kohhran
 : dân chhûnga awm.

Interview : May 3, 2016. Zing dâr 10
 : Lâkte chuan May 5, 2016 aţangin
 : class tan tûr a ni a. Zir hun chhûng hi May-
 : August, 2016 a ni. Hre Chiang duh tân Phone
 : No. 2317343/2325082/9436198231.

Sd/- Rev. Lalneihvûra
Principal
Presbyterian Bible School

PRESBYTERIAN HMEICHHE HOSTEL HRIATTÎRNA

Pâwl 11 zir tûr, kum 2016-2017 chhûnga Presbyterian Hmeichhe Hostel-a awm duh tân ni 11.5.2016 thleng dîl theih a ni.

Interview hun : 12.5.2016: 11:00am
A hmun : Synod Committee
 : Room-I

Seat awm zât : Seat 18

Dilna Form chu Kohhran Hmeichhe Department, Synod Office-ah leh Warden, Presbyterian Hmeichhe Hostel, Kulikâwnah lâk theih a ni.

SYNOD REVIVAL SPEAKER CAMPING

March 16 - 19, 2016 khân Synod Revival Speaker-te tân Synod Revival Camping Centre, Neihbâwiah Camping buatsaih niin Speaker atân Rev. Vânlalbêla, Bâwngkâwn hman a ni. Rev. Dr. LH Rawsea, ATC-in Bible Study a neihpui thung.

Circular No. 3 of 2016


KOHRAN HMING ZIAH DÂN TÛR CHUNGCHÂNG

Kum 2015 Synod thurêl, General 16-naah khân kan Kohhran hming ziah dân siam thât tûra rêl a ni a; siam thât dân tûr chipchiar chu Synod Executive Committee (SEC) leh Synod Officers' Meeting (OM)-in a bawh zui a. A hmaa Kohhran Letterhead inang tlânga kalpui dân tûra lo rêl tawhte thlîr telin Kohhran, Bial, Presbytery, Synod leh Synod hnuuia Department hrang hranga Official Letterhead kalphung tlângpui tûr pawh a siam nghâl a (SEC 262:12; OM 5:42/2016), kan han inhriattîr a ni e. Kalhmang fel zâwk neih zêl duhna avânga Inkhâwmpui rorêl hi a zahawm a, zawm tlân theuh i tum ang u. Hetiang hian:

**PRESBYTERIAN CHUCH OF INDIA
MIZORAM SYNOD****KOHRAN/BIAL/PRESBYTERY/DEPARTMENT HMING**

Chairman
Phone.....

Secretary
Phone.....


(UPA H. RONGHAKA)
Secretary
Mizoram Synod

**KOHRAN HMEICHHE RORÊL INKHÂWM
VAWI 8-NA A TIAK TA**

March 11-13, 2016 chhûng khân Mission Vêngthlang Kohhran Biak Inah Mizoram Presbyterian Kohhran Hmeichhe Rorêl Inkhâwm Vawi 8-na tuang taka neih a ni a, thupuih 'Thlarau Thianglim leh a hnathawh' tih an hmang a, Speaker atân Rev. Lalrinmawia an hmang. Rorêl Inkhâwmah hian palai 455 an kal a ni.

Thurêl tlângpuite:

- 1) Kum 2018 Mizoram Presbyterian Kohhran Hmeichhe Rorêl Inkhâwm chu March 9 - 11, 2018 chhûngin Tuikual Kohhranah nghah a ni ang a, kum 2019 Kohhran Hmeichhe Khâwmpui Lian chu March 8 - 10, 2019 chhûngin Kolasib-ah nghah a ni ang a, Kolasib Diakkâwn, Kolasib Vênglai leh Kolasib Hmâr Vêng Bial ten an thleng dâwn a ni.
- 2) Kum 2016-17 Inkhâwmpui Lian Budget leh Project atân Rs. 36,00,000.00 ruahman a ni.
- 3) 'Moral Reforms chungchûng inzirtîrna neih ni rawh se' tih chu pawm a ni a, Central Committee-in ruahman a ni siam ang.

- 4) Synod Hospital, Durtlâng tân Charity Fund pêk leh tha tih a ni a, Kohhran Hmeichhe Inkhâwm tum hnih thawhlâwm pêk ni se, tih a ni.
- 5) HIV/AIDS veite tanpui nân ram pum Kohhran Hmeichhiaten Thawhle zân inkhâwm tum khat thawhlâwm chu Grace Home-ah pêk remtih a ni.
- 6) Central Committee atân khawpui chhûng Bial tin atanga inruat tawh lovin tûn aia têm ni se, tih chu pawm a ni.
- 7) Ram pum huap sual thupha chawina leh chhiat rupna lo thleng thei laka kan him theih nân awmni khama tawngtai rual ni se, tih a ni bawh.
- 8) Agape chanchinbu chhut man sâng zêlah a buatsaihna sênso khuh tûrin a man sanna chawi belh ngai zawng hi Pastor Bial tin budget siam ni se, kum 2017-2018 atanga hman tan ni se tih a ni a, kumin (2016-2017)-ah chuan Agape budget hi khawpui chhûngah chauh intuk a ni.
- 9) Ei leh in fimkhur dân (Food Safety) ram puma inzirtîr rawtna chu pawm a ni a, Central Committee-in ruahman a ni lo siam ang.